



■陳曉華春風滿面，但又否認有愛情滋潤。

■劇集終於煞科，眾星開心可以翻番夠本。



### 否認年底結婚

前港姐冠軍陳曉華 (Hera) 早前被傳與朱敏瀚秘密拍拖兩年，將於年底到外地結婚。一直未有回應的她前晚出席劇集煞科宴時全程春風滿面，雖然她否認結婚，但卻帶記者「遊花園」避談是否與朱敏瀚拍拖，她笑言：「未了解清楚，再了解吓先。」



■羅子溢(右)自爆入行初期很想得到郭晉安認同。

# 同朱敏瀚關係？ 陳曉華：了解吓先

郭晉安(安仔)、羅子溢、陳曉華、何依婷與莊子璇等，前晚到尖沙咀出席無綫劇《金式森林》煞科宴。如沐春風的Hera被問是否有愛情滋潤？她說：「因為煞科之後嘅屋企足足12個鐘，所以變番青春、可愛、活力嘅我。(同朱敏瀚年底結婚?)梗係唔係啦!之前因為喺外地拍完嘢返香港就開始病，見到呢單新聞，都諗緊點覆，但係病情好嚴重，決定繼續畀。(從來冇同朱敏瀚拍拖?)依家都係做嘢為先。(咁同佢係咩關係?)啱啱拍完劇，冇時間都想了解吓身邊嘅人，了解吓。」

問到會否突然閃婚? Hera說：「一定唔會。(緣分到唔抗拒?)我一直都唔抗拒，雖然事業為重，但可以同步，只係未有緣分。(有咩擇偶要求?)我一拍劇就會消失，對於維繫一段關係都

係麻煩。(朱敏瀚係你鍾意嘅類型?)未了解清楚，再了解吓先。(覺得佢點?)界定唔到佢係咩類型，監製教我有啲嘢唔可以睇表面，要睇得清楚啲。(你好似暈晒大浪?)點會呢，煞科我真係好開心。」

### 郭晉安為子女聯絡前妻

子溢表示剛入行時與安仔合作劇集《古靈精探B》，當時很想得到前輩的肯定，再合作轉眼已是十多年後。安仔則指子溢與以往有很大分別，現在會以不同角度觀察事物，感覺對方經歷了很多事情，並讚子溢是「AA級爸爸」，子溢笑言：「做爸爸壓力好大，返到屋企就唔係依家咁，笑容就冇咁親切，唔係慘，係要諗多啲嘢啫!」

提到安仔前妻歐倩怡

早前自爆離婚後要獨力搵錢交租，揚言「好等錢使」，問安仔會否出手相助?他表示不方便回答有關對方的問題，但雙方仍會為子女問題而聯絡。他又稱已習慣新的生活方式，現在拍完劇會將重心放回自己的公司，好好學習經營之道。

## 與費達拿組隊比賽 陳奕迅積極練波

陳奕迅將參加10月11日於上海舉辦的《上海勞力士大師賽》，與偶像費達拿以特邀嘉賓身份現身，兩人更組隊對戰國家隊運動員張之臻、樊振東及王勵勤。Eason坦言得知可以跟費達拿見面已經很开心，從沒想過可以同隊打波，非常期待10月在上海見面。他表示近日積極練波：「我係傷後復出，當然要加緊練習，唔想到時影響費達拿，哈哈!」

問到賽事共有多少回合和怎樣計分? Eason表示：「未知呀，啲啲未公布，去到先知，都係友誼賽。不過相信我，我會認真打，嘿嘿!」提到他之前打網球時中暑昏倒兼跌傷，他說：「唔怕，已經入秋，天氣應該好舒服，大家唔使擔心。我會好好保護自己，會飲多啲水，唔會再自己受傷。」



■陳奕迅勤練波，不想拖累偶像費達拿。

## 食小籠包「一面都係」

由彭慧中、林秀怡、梁凱晴、梁超怡及廖慧儀主持的《吃貨橫掃港深珠》，為觀眾介紹香港、深圳及珠海的「食買玩」指南。昨晚播出一集，她們帶大家去珠海品嚐抵食的半自助午餐，主菜更可加錢升級為龍蝦魚子醬意粉等，享受與五星級酒店般高級的buffet體驗。之後她們又到美食廣場，品嚐東南亞多地風味的美食。當林秀怡食上海菜時，被小籠包的肉汁濺到臉上，嚇到彭慧中大叫：「終於知道有幾多汁喇，多謝秀怡示範!」



■林秀怡被小籠包的肉汁濺到臉上。

## 陳奕迅怕脂肪肝狂做運動

歌手陳奕迅出道時身形圓碌碌，近年他積極健身成為肌肉人。他拍攝TVB Plus節目《美食新聞報道》時透露減肥原因：「醫生恐嚇我，話我有脂肪肝危機，佢話一係食藥，一係做運動，我死都唔食藥啦!」他笑言每日要食160克的肉類，保持現在的「巨胸童顏」身形。提到下月初他舉行爵士音樂會，他直言爵士樂跟威士忌非常匹配：「啲人成日話聽爵士飲威士忌係絕配，非常認同。你可以飲完酒入場睇，到中場好舒服咁補吓飛(威士忌)……不過飲完酒千祈唔好揸車。」



■陳奕迅不想食藥，的起心肝做運動。